

筆記小說大觀

錄

宋樂史著  
廣卓異記

上

進步書局校印



宋樂史著

廣卓異記

上海進步書局印行

序

冀聞吾邑宋樂子正先生曾撰廣卓異記二十卷四庫館全書附存目錄傳記類宋吳興陳振孫直齋書錄解題明楊士奇等文淵閣書目來字厨古今志國朝錢曾讀書敏求記皆有是書屢經尋購迄未得見戊戌歲僑寓京師始獲傳鈔舊本真不啻拱璧也因思此書為吾邑前賢之所著述近世罕覯不可不廣其傳俟博訪善本校正付梓甲辰以後適興修邑城總理工務辰出酉歸日無暇晷諸同人急欲快覩爰命小胥亟為鈔出用活字版印行其原本既列總目各卷首復有篇目茲惟存總目至卷首之目概從刪簡第經數百年展轉鈔寫之手謄字脫句不可勝計雖畧加參核匠氏復迫促謄脫處多仍其舊未及一一更定所望藏書之家素弄善本詳悉致訂共相流布不且與太平寰宇記等書並垂不朽哉鳳岡書院肄業諸君月課以此為題各抒佳詠亦備列於卷端昔道光丁未歲孟夏月上澣邑後學黃秩模立生氏謹識於城西仙人石下念劬別墅東偏蕉陰小視



廣卓異記 并序

昔李翱著卓異記三卷述唐朝君臣超異之事善則善矣然事多漏落未為廣博臣初入館殿日亦嘗撰續唐卓異記三卷進上則唐朝之事庶幾盡矣臣又續漢魏以降至於五代史竊見聖賢卓異之事不下唐時之人即未聞有纂集者臣今自漢魏以降至於周世宗并唐之人總為一集名曰廣卓異記凡二十卷并目錄二卷其累代警纓蓋世功業三復省之不無所益何者昔曹景宗讀據直樂毅列傳歎曰大丈夫當如是此乃見賢思齊之道也易曰積善之家必有余慶且累代富貴豈不由積善之致焉今臣寮若見卓異記必如曹景宗之讀列傳也臣又聞漢書言學者稱東觀如道家蓬萊山唐太宗開文學館得入者謂之瀛洲瀛洲之與蓬萊神仙之攸館今既比之即神仙不可再言矣臣撰總仙記其間有全家為卿相累代居富貴者何異焉今撮其殊異者入此書中況夫立身朝廷致位華顯者其或慶者在堂弔者在閭若能以道消息寄懷於虛無之中則躁競之心塞清淨之風生壽骨欲低自然高矣禍門欲開自然閉矣此書既成不敢不進雖不補三館之新書亦擬為一家之小說干冒宸扆伏增憂越宋樂史謹序

題詞

宜黃黃傳驥墨四

習之卓異紀初唐子正新裁拓舊章二十六條殊簡畧一千餘載悉推詳半生博采旁搜力累代兵氛燹火場侵木失登丁部錄鈔胥祕作酉山藏西京盛事傳奚賴東觀奇書讀未遑散見他文都贈爰總無完璧耀琳琅幸當吾族羣英萃迺有仙屏冢嗣良佳果欲從三島覓美鯖愛合五侯嘗入京始獲窺全性閉戶重披鬱古香活版因人求索急謔編仍自校讐忙快心成業春交夏枵腹多儲橐與囊尚惜太平寰宇記幾行錯脫費思量

宜黃吳鑄乾之

吾邑山水毓瑰奇樂公博雅人皆知五色明珠富著述一千一百卷有奇李翔唐代卓異記貞觀祥徵廿六事廣為摭摭費精神合作羽儀差美備星馳電掣九百年雲散風流二十編載攷館書附存錄重修邑乘僅名傳黃子立生劇好古旁搜遠紹昌黎伍借觀未可計瓶痕刊謬更難辨馬虎拾補畧加舊盡仍付之檢匠期速成觸目琳琅洵可寶喜讀未見慰平生

宜黃黃秩浚深揭

吾鄉先輩多奇才。樂公子正尤淹該。廣卓異記二十卷。由漢迄唐如數枚。自言欲使人心感。天之生物裁者培。勿謂休徵不易得。至誠所召祥異來。我兄嗜古遠相慕。搜羅匪獨窮章句。舊鈔校數仍脫謄。倉卒選工為流布。此書能吐五色雲。應有神靈重呵護。嗚呼。世間躁競皆有求。何若循常篤本務。

宜黃吳鑣鼎之

太宗好諫名。貞觀多美政。寰瀛雅頌宣。巨族晉纓盛。李翱卓異記廿六交輝映。非徒紀吉祥。亦以昭忠敬。伊誰廣是篇。宋時樂子正。史籍詳搜尋。叢編互考証。既表儲材恩。咸知積善慶。紙錄因祕藏。板行斯遠互。皇皇廿卷書。事存語極淨。所願有心人。不信文憎命。麟閣繪功臣。千載猶歌詠。

宜黃吳朝佐珂臣

吉祥富麗風錦舒。東觀蔚為未見書。綜合前朝集其腋。尋常被服無顏色。誰將卓異記。唐時習之纂述洵瑰奇。誰為撰續廣是篇。宋代子正名更傳。子正先生博洽才。留心著作經鄒枚。吾鄉名流此特出。曾送明珠五色來。授職史館多記載。藏之祕閣昭後

代神仙窟宅任推求。掌上華夷供圖繪。餘閒更發集古情。欲將人瑞驗休徵。上溯漢唐至周世。一千一百餘年并。蒐羅古籍任條列。載考史宓倍經營。集成分為二十卷。歷朝殊異都分明。譬如纍纍羅列星。又如雲霞象畢呈。置身一一坐蓬瀛。積善由來有餘慶。此書久祕騰光彩。自宋迄今九百載。祇疑鈔本難徧傳。欲付梓人蓋有待。幸遇仙屏卓犖姿。奕葉相傳世共推。重搜舊帙素心盡。曾入京華金壁窺。意將鐫板刊行世。猶恐文義多微。拾遺補闕商訂忙。責成檢匠志何銳。賤子才學慚庸庸。未咀史液挾經腴。閉門展卷誦一遍。枵腹似持記事珠。

宜黃黃傳鏗小溪

太平寰宇久成編。卓異蒐羅又廣傳。人物於今光宋代。表揚在昔溯唐賢。手泚鈔本行將盡。心歎謫文未敢鐫。繼起有才能博古。重尋舊帙意殷然。

宜黃吳熙碧軒

吉雲敷采景星煌。廿卷書存萬代光。宋室明良開氣運。鄉賢勲業在文章。皇猷潤色搗鴻藻。異事蒐羅起鳳岡。紙價當年京洛貴。蘭臺鈔本尚珍藏。

江夏門功奕葉傳。早從東觀視遺編。一簾燈火重讐校。三館聲名溯後光。詩禮訓承

中祕地。文明生際太平天。祇今梨棗資流布。大業千秋踵二賢。

宜黃  
黃秩澧蘭坡

吾鄉樂子正。銳敏富縑緙。綜輯皆博雅。若啓寶山藏。太平寰宇記。考核精且詳。更有廣卓異。盛瑞紀非常。不惟續唐記。漢晉悉搜揚。其書祇鈔本。謄脫費校量。我家立生兄。板印饋貧糧。參訂雖未備。見聞可互商。覽者各獲益。珍惜如琳琅。

廣卓異記目錄

卷一 帝王事

聞空中有言

五十四年內祖與孫封禪

兩即帝位

太子四人登寶位

太子三人登寶位

一殿三天子

天子控天子馬

誅賊同月日

神兵破賊

呼臣下為郎

呼臣下為監

呼司徒附

華嶽神迎謁

見白龍橫南山

御筆題隱士門

駕幸孝義家

親王代天子拜尚書

水變為芳醪

卷二 后妃王子公主

上苑花應詔發

五朝為太后

四十年為太后

一門三后生三天子

三代為后族

太后為師傅素服五日

申王異事

壽王八歲能拜舞

妃子一門榮盛

一門五世十二人尚公主

三尚公主

一門尚四公主

一門尚三公主

天子呼親家母

天女生天子

開目識新婦

卷三 雜錄

神人報天子在門

賜金蓮花燭

翰林學士聯句詩好

為詔書好賜宮錦

送客西江詩好賜瑞錦

奪錦袍

御製詩送賀賓客為道士還鄉并宰相已下應制詩

賜戴叔倫中和節唱和詩

詔寫古劍歌賜諸學士

家藏十一代先祖書勅為寶章集

卷四 臣下貴戚之極者

金日磾

張安世

許廣漢

史良娣

霍光

衛青

梁冀

胡廣

鄧禹

竇融

楊椿

萬石君

李覽

卷五 臣下

三公父在堂

宰相有二親

宰相與百官列班起居新宰相太夫人

三十三年在相位

二十七年佩相印

四八相

三八相

五代六人拜相

六代六人拜相

三代拜相

父子皆自揚州再入相



父子三人拜相

一門四相

一門三相七家

卷六 呂下

二代為相 二十家

兄弟六人並登相位

外孫三人為相

舅甥相代為相

與妻父同時為相

座主與門生同在相位 二家

與同列子弟為丞相

齊年同日為相

集禮院 由太常博士入相者

座主見門生拜相

卷七 臣下

為相數日天下望風而變

與子弟同年同在相位

與使主同時為相

故吏並為三司

賓幕六人拜相

使主未離鎮見判官拜相

禮部同年三人同時在相位

禮部同年四相

制科同年四相

制科同年五相

揚州四人皆至宰相

會客中三人皆丞相

白衣人告拜相

夢中神人授二管筆

庭槐生三枝過堂屋脊

三起三留

見白衣人吟詩

神呼相公

蝦蟆大如牀

卷八 臣下顯達之速者

年三十為僕射

不數日內貴盛

數月超為大司空

九十五日位至司空

起家二年為丞相

自補闕至侍郎不周歲為相

二年間拜相階至特進

五年至尚書

不出長安城十年至丞相

不出都門便登相位

不及七年為節相

四遷至九卿

七箇月自員外郎為侍郎

三月周歷三臺遷侍中

一日三命

一日二恩

四時改服色

一歲五遷

一歲三遷

白衣入翰林

六十日內授三品官

自處士為丞相

四遷至丞相

卷九 臣下

三葉為國元老

出入六十年富貴

一座最貴

弟男七人同日拜官

弟男姪十一人同制授官

官誥一百二十七軸同日入門

羣從甥姪百餘人為官

七子二孫封侯

子孫五人封侯

父子兄弟十餘人食邑

為帝王師封萬戶

三代帝王禮重

五世威德

十三代子孫二十三人榮貴

卷十 臣下

一門二十三人封王

一代五人封王 二家

五世封王

四世封王

三世封王

五世侍中

一門二中書令五侍中

三代為侍中

兄弟四人迭為侍中

兄弟俱曾為侍中

父子同時為尚書令中書令

父子俱曾為中書令

父子俱上公

兄弟俱為中書令

三拜中書令

代恩第為尚書令

卷十一 臣下

四世五人為三公

四世四人為太尉

四世四人為三公

三世四人為三公

三世三人為三公 二家

一門七人為三公

一門四人為三公

一門三人為三公

四代為司徒太尉

屏風隔坐

四辭僕射而後受

三拜左僕射

一門三僕射

四世為僕射

三世為僕射

三世為令僕

神告僕射

白衣尚書

五世為吏部尚書

四世五人為吏部尚書

兄弟同時為左右丞

從者答神人曰魏公舒

贈童子木馬

白鬚公神語

卷十二 雜錄

宰相乘車入宮殿

三公乘小馬入東西臺

侍讀腰轡入內殿

逸人不拜天子

父子草傳位冊書

父子撰帝王父子實錄

父子有策廢功

令自揀拜相日

三人承明廬

七代通顯

一人四事相同

二人四事相同

衣錦還鄉

賜錦袍還鄉

都門祖二疏

大臣歸鄉事

自相位至節度九表讓官

讓太尉位與管寧

卷十三 臣下

兄弟同時為翰林學士

兄弟相代為翰林學士

兩代四人為翰林學士

三代五人為翰林學士中書舍人

同年五人為翰林學士

座主與門生同在翰林

門生為翰林學士撰座主白麻

使主未離鎮掌書記為翰林學士草加官白麻

翰林學士自著綠賜紫

三度為翰林侍讀學士

天子謂學士曰加官之喜

一夜草一十五將麻制

卷十四 臣下

三世三人入北省

兄弟三人入北省

父子三人中書舍人

四代中書舍人

三代中書舍人

鳳閣王家

三王

兄弟二人中書侍郎

一家四人給事中

兄弟三任一同

兄弟對居兩省

兄弟對居兩制

六度入兩制

三代四學士

兄弟三人學士

德宗批出知制誥官

卷十五 臣下

三世為司隸

子孫七人為廷尉

三世為廷尉

父子二人為御史大夫

兄弟二人並拜御史大夫

父子二人為中丞 三家

五世為河南尹

兄弟四職相代

一家五人仕青宮

一門三傅

父子三人皆為史官

衣道服知史館事

九世有史傳

三代司業

侍讀坐宣賜牀歸家

卷十六 臣下

子代父為太僕卿

父子三人為大卿監

父子兄弟四人大卿監

兄弟六人同至三品

三世執金吾

三世將軍

父子為武侯大將軍

三品要職

與府主同為金吾

兄弟同時列榮戟

子姪三人並授上柱國

卷十七 臣下

七為大總管帶平章事

代妻父為節度使

父子同時為節度使

子四人俱任節度使

三人皆當為方伯

四世為本郡太守

四世為本郡刺史

三世坐益州

三世坐蒲州

二世坐平盧

父子坐興元

大馮君小馮君

大雍州小雍州

大鄭公小鄭公



父子交代為刺史

兄弟前後為一州刺史

父子三人旌節坐本郡

舉主與孝廉相代

卷十八雜錄

就私第注官

兄弟並導騶而行

徵光寺錢

父子並命

荀氏八龍

比荀氏八龍

五絕

鬼謠

文士聲名播蠻夷

將士割股祭長帥

胡雛異事

導母舉太常閱樂

婦人衣冠貴戚

父子忠烈

一門忠孝

三代旌表門閭

吮糜之聲聞數十里

三使相

卷十九舉選

七勝院

攜門生迎家君

門生引門生謁座主

及第與長行拜官相次

門生先於座主佩金魚

兄弟六人進士及第

一家八人進士及第

一家六人進士及第

兄弟七人進士及第

兄弟四人進士及第 四二人拔萃入高等

兄弟五人進士及第

兄弟三人同年及第

兄弟二人制舉同年登科

兄弟同年童子及第

父子狀元及第

兄弟三人俱狀元及第

兄弟二人狀元及第

進士狀元却為宏詞頭

進士狀元却為拔萃頭

進士狀元却為制舉頭

九登科選

七登科選

三世十三榜十四人登科

卷二十 神仙

全家登仙 三家

三世六人登仙

五世十二人登仙

五世為相後登仙

祖孫四人登仙

一家七人登仙

兄弟四人登仙

兄弟七人登仙

西王母五女俱為仙官

預知元女神君

廣卓異記卷一 帝王事

宋 宜黃樂史子正撰

聞空中有言 唐高祖 元宗

右按唐書云。武士彠。隋時為晉陽宮留守。司錄參軍。高祖為留守日。士彠嘗詰朝於街內。獨行。聞空中有言曰。唐公是天子。士彠尋聲不見有人。仍以此言白高祖。高祖悅之。曰。幸勿多言。其夜士彠夢高祖乘白馬上天。旦以聞。於是起義。

右按唐書。元宗為臨淄王。自潞州別駕。朝京師。唐隆元年。庚子夜。平內難。迨明。處置畢。是日寅時。潞州掾吏於州門聞空中語曰。臨淄王誅韋氏。相王得天下。掾吏驚走。遽白刺史。刺史以為誑妄。留繫旬日。會制到。乃赦之。模按原本迨。訛。今改正。

五十四年內祖與孫封禪 唐高宗 元宗

右按唐紀。高宗麟德三年正月一日。有事於泰山。玉牒文曰。唐嗣天子臣諱。敢昭告於昊天上帝。有隋運極顛危。數窮否塞。生靈塗炭。鼎祚淪亡。高祖仗黃鉞而拯黎元。錫元珪而拯沈溺。太宗功宏鍊石。定區宇於再履。業壯斷鼇。飲滄海而一息。臣幸忝餘緒。恭承積慶。遂得崑山寢燎。炎海澄波。雖乃業茂宗祧。斯實降靈穹昊。今謹告成。

東嶽歸功上元大寶克隆鴻基永固凝薰萬姓陶化八紘

右按唐紀元宗睿宗之子高宗之孫開元十三年十一月有事於泰山玉牒文曰唐嗣天子臣謹敢昭告於昊天上帝天啟李氏運興土德高祖太宗受命立極高宗升中六合殷盛中宗繼復紹休丕定上帝眷祐錫臣忠武祇綏內難推戴聖父恭承大寶十有三年欽若天意四海宴然封祀岱岳謝成於天子孫百祿蒼生受福麟德三年至開元十三年凡五十四年內祖與孫封禪自古帝王無比

兩即帝位中宗睿宗

右按唐紀中宗宏道元年二月六日自皇太子即位嗣聖元年二月六日降為廬陵王聖歷元年九月十五日冊為皇太子神龍二年正月二十四日再即帝位模換李翔卓異

記作二月八日降廬陵王

右按唐紀睿宗嗣聖元年二月七日自豫王即位天授元年九月五日降為皇嗣聖歷二年正月六日降為相王神龍元年正月二十日立為皇大弟唐隆元年六月二十四日再即帝位自古帝王未之有焉

太子四人登寶位北齊高祖

右按北齊書高祖長子文襄皇帝追封第二子顯元文宣皇帝在位十年第六子肅  
皇孝昭皇帝在位一年第九子世祖武成皇帝在位四年高氏四子俱為天子

太子三人登寶位後周太祖 唐穆宗

右按後周書云太祖第三子閔帝在位一年長子明帝在位四年第四子武帝在位  
二年宇文氏三子皆為天子

右按唐紀穆宗皇帝長子敬宗皇帝在位三年第二子文宗皇帝在位十年第三子  
武宗皇帝在位七年李氏三子皆為天子

一殿三天子 唐元宗 肅宗 代宗

右按次柳氏舊聞代宗之誕也三日元宗幸東宮錫之金盃命浴吳皇后慮皇孫龍  
體不豐負姬乃以宮中諸王子同日誕而體豐實者進之上視之不樂曰非吾兒負  
姬扣頭具服上眄之曰非爾所知趨取吾兒來於是太子取子進上大喜承之掌中  
向日視之笑曰此兒福祿遠過其父及上起入宮盡留內樂謂力士曰此一殿有三  
天子樂乎可與太子飲酒

李輔國時於元宗代宗不平之今刺客斷其首  
於洞中斷右臂以祭秦陵模按原作舊史今改

天子控天子馬 肅宗

右按肅宗實錄。既收復長安。元宗自蜀至上。至望覽宮奉迎。元宗御宮南樓以俟。上望樓。即下馬趨進前。再拜蹈舞稱賀。元宗下樓上。匍匐捧元宗涕泗嗚咽。不能自勝。扶元宗陞殿尚食。每進一味。上皆嘗膳。然後進。飛龍御馬上。親選試。然後進御。元宗上馬。上秉轡控元宗馬行數十步。元宗止之而後退。元宗謂左右曰。吾享國已來。未知貴也。今日見吾子為天子。乃知貴也。上嘗避馳道。執鞭弭導引元宗。自開遠門至丹鳳門。自後乾元元年十月。元宗再幸華清宮。上至灊上迎候。下馬趨進百餘步。舞蹈前抱元宗足。元宗撫上背。上又控轡行數十步。有命乃止。

誅賊同月日

劉闢

李錡

吳元濟

唐憲宗皇帝元和元年十一月十一日。斬劉闢於西川。又元和二年十一月十一日。斬李錡於潤州。又元和十二年十一月十一日。斬吳元濟於蔡州。模按李翺卓異記均作十一月一日。右按唐紀。憲宗皇帝誅三賊。皆是十一月十一日。契合如是。

神兵破賊

張韓公

王忠嗣

右按唐書。肅宗乾元二年十二月。文武百官賀勝州已北。百姓數千人。咸見兵馬。百姓索食。其中有人云。我是張韓公及王忠嗣。領北兵馬為國討賊。不日當太平。百

姓陳祭訖須臾不見此聖德所感人神合符靈應昭然今古未有者時史思明作亂呼臣下為郎蕭瑀

右按唐書武德初軍國政事悉關宰相蕭瑀高祖臨軒聽政引瑀陞御榻而坐呼為蕭郎高祖曰得公之言特存社稷今賚黃金一玉以報智者

呼臣下為監裴寂

右按唐書裴寂為司空高祖與寂有舊既受位謂寂曰使我至此者公之力也每日賜御膳視朝引之同坐入閣延於卧内呼為裴監寂乞歸故里高祖泣曰今猶未也要相與偕老為台司我為太上皇逍遙一代豈不樂哉因遣員外郎更番宿其第以表崇重杜佑為相憲宗不名呼為司徒

華嶽神迎謁唐元宗

右按開元傳信紀元宗東封車駕次華陰上見岳神數里迎謁上問左右莫之見遂詔諸巫問神安在獨一老巫阿馬婆奏云三郎見在路左朱髮紫衣迎候陛下上顧而笑乃勅阿馬婆勅神先歸上至廟見神具囊韃俯伏殿庭東南大柏樹下又詔阿馬婆問之奏如上見命阿馬婆致意而旋尋詔諸岳封為金天王上製碑文親書寵



異之。

見白龍橫南山元宗

右按獨異志開元中元宗御含元殿望南山見一白龍橫亘山上問左右皆云不見急召王元寶問之元寶曰見一白物橫在山頂不辨其狀左右啟曰何則臣等不見之帝曰我聞至富可以敵至貴朕天下之主元寶天下之富故見爾上曾問元寶家財多少對曰臣請以絹一疋繫陛下南山一樹樹盡臣絹未窮時人謂錢為主老者以其有元寶字人見之則喜。

御筆題隱士門田遊巖

右按唐書田遊巖隱於嵩山許由廟東自稱許由東鄰頻詔不起高宗幸嵩山親訪巖家遣中書侍郎薛元超入問其母巖山衣出拜高宗謂曰先生養道山中皆得佳否乃親題額懸其門曰隱士田遊巖宅。

駕幸孝義家張公藝

右按唐書張公藝鄆州人九代同居貞觀中詔加旌表麟德二年高宗皇帝有事於泰山路過鄆州幸其宅詔問孝義之由公藝但於紙上書百餘箇忍字因賜以練帛。

親王代天子拜尚書范雲

右按梁書武帝與范雲少親善及武帝登位封雲為吏部尚書常侍宴上謂臨川王宏鄱陽王恢曰我與范尚書少親善伸四海之敬今為天下主此禮既革宜代我呼范為兄二王下席拜與雲同車而還時人榮之

水變為芳醪唐宣宗

右按令狐澄宣宗七十事曰上在藩時從駕校獵上林及暮還悞墮馬人不覺比二更方興時大雪四顧無人聲上寒甚巡警至大驚上曰我光王也不悟至此方因渴若為求水巡者即於旁求水以進遂委而去上力起舉甌將飲甌中水變為芳醪矣上獨喜自負一舉盡甌而已體微暖有力遂歸舊邸

謂之心疾乃白穆宗往而視之曰此吾家英物非心疾也

初年十歲忽不豫有神光滿身而南面獨語如對百億神太后

廣卓異記卷一終

廣卓異記卷二后妃王子公主

宋 宜黃樂史子正撰

上苑花應詔發則天

右按唐書則天天授二年臘月卿相貽輔女君欲謀弒則天詐稱花發請幸上苑許之尋疑有異圖乃遣使宣詔曰明朝遊上苑火急報春知花須連夜發莫待曉風吹於是凌晨名花瑞草布苑而開羣臣咸服其異焉

五朝為太后懿安太后郭氏

右按唐書懿安太后郭汾陽之孫贈左僕射駙馬驥之女母代宗長女昇平公主憲宗為廣平王時納為妃代宗外孫德宗外甥順宗新婦憲宗皇后穆宗母敬宗祖母文宗祖母武宗祖母歷位八朝五居大母之尊人君行子孫之禮福壽隆貴四十餘年謚曰懿安皇太后雖漢之馬鄴無以加焉識者以為汾陽社稷之功未泯復鍾慶於懿安焉

四十年為太后崇德太后褚氏

右按晉書崇德太后褚氏在位四十年凡三臨朝攝政事年六十一初康帝時營中

陳讀女有文在足下曰天下母視之愈明京邑噓有司收繫以聞俄自獄亡去康帝崩獻后臨朝此其祥也

一門三后生三天子獨孤信

右按南北史及唐書後周大司馬衛公獨孤信生三女長女為周文帝后生武帝次女為隋文帝后生煬帝小女為唐太祖元皇帝后生高祖一門三后生三天子貴威無比

三代為后族竇威

右按唐書內史令延安公竇威高祖謂之曰昔周朝有八柱國之貴吾與公家咸登此職今我為天子公為內史令本末異乃不可乎威謝曰臣家昔在漢朝再為內戚至於後魏三處外家陛下龍興復出皇后臣又位忝鳳池高祖大笑曰公以三代后族欲誇我耶關東人與崔盧為婚猶自矜伐公世為帝戚豈非感事乎

太后為師傅素服五日漢宣帝太后

右按前漢書昌邑王廢立宣帝太后有政宜知經術大將軍霍光令夏侯勝用尚書授太后遷長信少府賜爵關內侯又遷太子太傅賜黃金百斤年九十卒賜冢塋葬

平陵太后賜錢二百萬為勝素服五日報師傅之恩儒者以為榮

申王異事 申王撫

右按唐書申王撫睿宗第二子本名成義母柳氏掖庭宮人撫之初生則天嘗以示僧萬回云此兒西域大樹之精養之宜兄弟則天甚悅始令列於兄弟之次王性寬裕儀形瓌偉善於飲啖

壽王八歲能拜舞 壽王瑁

右按唐書開元十五年五月慶王潭等加都督事元宗以永王已下幼不令於殿庭列謝時壽王年八歲請從諸凡行事拜舞如法上特異之

妃子一門榮盛 楊妃

右按唐書楊妃父元琰贈太尉齊國公母李氏贈涼國夫人叔元珪吏部尚書再從兄國忠為宰相從兄鉉鴻臚卿列榮戟母弟錡尚太華公主堂弟秘書少監鑾尚承榮郡主長姊韓國夫人次虢國夫人次秦國夫人國忠小男壯尚萬春公主長男暉先尚延和郡主拜太常卿兼戶部侍郎楊氏一門一貴妃二公主二郡主三夫人一宰相一尚書二大卿開元已來豪貴榮盛未之比也

一門五世十二人尚公主穆觀

右按後魏書穆觀子亮亮弟壽壽弟真亮子紹紹子正國正國子平城壽子平國平國子伏干伏干弟熙真子大太子智伯一門五世計十二人皆尚公主

三尚公主劉昶

右按後漢書劉昶初尚武邑公主薨更尚建興公主又薨更尚平陽公主及昶終與三公主同塋異穴

一門尚四公主薛瓘

右按唐書薛瓘尚城陽公主瓘之子紹尚太平公主紹兄顯為黃門侍郎懼其公主寵威問於克構克構曰帝甥尚主由來故事若以恭慎行之何懼也然室有傲婦善士所惡故鄙諺曰娶婦得公主平地買官府遠則平陽公主妖孽致亂近則新蔡晉安為時所誡欲求無患難矣瓘之堂姪倣倣之子鏞自瓘至鏞一門尚四公主按薛瓘原本作薛瓘據唐書改

一門尚三公主盧道裕

右按後魏書盧道裕弟虔堂弟元聿並尚魏公主一門尚三公主一門尚二公主不錄

天子呼親家母蕭嵩夫人賀氏

右按唐書中書令蕭嵩子尚新昌公主嵩夫人賀氏入覲拜席元宗呼為親家母禮

儀甚盛

天女生天子魏神元皇帝

右按後魏書。聖武皇帝諱詰汾。嘗畋於山澤。敎見輜輶自天而下。既至。見美婦人。自稱天女。受命相偶。且曰。請還。期年後會於此。及期而至。先畋處。果見天女。以所生男授帝曰。此君之子。當世世為帝王。語訖而去。即神元皇帝也。故人諺曰。詰汾皇帝無婦家。力微皇帝無舅家。力微即神元皇帝名也。

模按魏書畋作田。敎作教。

開目識新婦魏徵

右按劉昫續說苑。魏徵疾甚。太宗與太子再臨其第。徵加朝服拖紳。帝見徵悲慙。拊之泣慟。問所欲言。對曰。薨不恤縗而憂宗周之亡。將以公主降其子叔玉。上以主從目識新婦也。



廣卓異記卷二終

廣卓異記卷三雜錄

宋 宜黃樂史子正撰

神人報天子在門孔靖

右按南史。孔靖會稽山陰人。宋武帝潛龍時。東征孫恩。至會稽。過孔靖宅。正晝。卧有  
神人衣服非常。謂曰。天子在門而失之。遽出見帝。延入。結交執手曰。卿後當大貴。於  
是曲意禮接。贍給甚厚。晉義興八年。復為會稽內史。修飾學校。復為右僕射。讓不拜。致  
仕。武帝平關洛。宋臺初建。以為尚書令侍中。特進光祿大夫。辭位歸鄉。武帝為宋公  
餞於戲馬臺。百僚咸賦詩以述其美。謝靈運詩曰。季秋邊朔苦。旅雁違霜雪。淒淒陽  
卉肥。皎皎寒潭潔。良辰感聖心。雲旗興暮節。鳴笳戾朱宮。蘭卮獻時哲。餞宴光有孚。  
和樂信所缺。在宥天下瑞。吹萬羣芳悅。歸客遁海隅。脫冠謝朝列。弭棹薄桂渚。指景  
待樂闕。河流百急瀾。浮駘無緩轡。豈伊川途念。宿心愧相別。美彼邱園道。喟焉傷薄劣。  
賜金蓮花燭令狐綯

右按東觀奏記云。宣宗將命趙公令狐綯為相。夜幸含春亭。召對。盡蠟燭一炬。方歸  
學士院。仍賜金蓮花炬送之。院吏忽見金蓮蠟燭。驚報院中曰。駕來矣。俄而趙公至。

吏謂趙公曰。金蓮引駕燭。學士用之。莫折是。否。頃刻而聞傳說之命。

翰林學士聯句詩好

柳公權

右按唐書。文宗夏日與學士聯句。帝曰。人皆苦炎熱。我愛夏日長。公權續曰。薰風自南來。殿閣生微涼。時丁亥。五學士皆屬繼。帝獨諷公權兩句。辭清意足。不可多得。乃令公權題於殿壁。字方圓五寸。帝視之歎曰。鍾王復生。無以加焉。

為詔書好賜宮錦

封敕

右按唐書。封敕為翰林學士中書舍人。嘗草賜陣傷邊將詔。警曰。云。傷居爾體。痛在朕躬。帝覽之。賜宮錦。

送客西江詩好賜瑞錦

馮定

右按唐書。馮定為太常少卿。統樂立於庭。文宗以其端凝。若植。問其姓氏。翰林李珣奏以定之名。帝喜。問曰。豈非能為古章句者耶。遂召昇陞。帝自吟定送客西江詩。吟罷益喜。因賜以禁中瑞錦。仍令大錄所著古體詩以進。尋遷諫議大夫。

奪錦袍

宋之問

右按小說。武后遊龍門。命羣官賦詩。先成者賞以錦袍。左史東方虬詩成。設拜賜坐。

未安宋之間詩後成文理兼美。左右莫不稱善。乃就奪錦袍衣之。其詞曰。宿雨霽氛埃。流雲度城闕。河堤柳新翠。苑樹花先發。洛陽花柳此時濃。山水樓臺映幾重。羣公拂霧朝翔鳳。天子乘春幸鑿龍。鑿龍近出王城外。羽從琳琅擁軒蓋。雲罕纔臨御水橋。天衣已入香山會。山壁蘄巖斷復連。清流澄澈俯伊川。雁塔遙遙綠波上。星龕奕奕翠微邊。層巒舊長千尋木。春壑初飛百丈泉。綵仗虹旌遶香閣。下輦登高望河洛。東城宮闕擬招回。南陌溝塍殊綺錯。林下天香七寶臺。山中春酒萬年杯。微風一起祥花落。仙樂初鳴瑞鳥來。鳥來花落紛無已。稱觴獻壽煙霞裏。歌舞淹留景欲斜。石間猶駐五雲車。鳥旗翼翼留芳草。龍騎駸駸映晚花。千乘萬騎鑾輿出。水靜山空嚴警蹕。郊外喧喧引看人。傾都南望屬車塵。轟聲引颺聞黃道。王氣周迴入紫宸。先王定鼎三河固。寶命乘周萬物新。吾皇不事瑤池樂。時雨來觀農扈春。

御製詩送賀賓客為道士還鄉并宰相已下應制詩賀知章

右按唐書。太子賓客集賢院學士賀知章。年八十六。臥病五日。冥冥不知。男曾子哀號訴天。請以身代。遂疾損。乃上表乞為道士還鄉。元宗許之。乃捨宅為觀。賜名千秋。并與男曾子會稽郡司馬。賜緋小子田。田亦度為道士。兼賜帛一百疋。道衣兩對。又

賜鑑湖剡川一曲

元之周官數頃為一  
生池因賜剡川一曲

詔令供張東門百寮祖餞

御製送詩并序

元宗

天寶三年太子賓客賀知章鑿止足之分抗歸老之疏解組辭榮志期入道朕以其夙存微尚年在遲暮用循挂冠之事俾遂赤松之遊正月五日將歸會稽遂餞東路乃命六卿庶尹三事大夫供帳青門寵行邁也豈唯崇德尚齒抑亦厲俗勸人無令二疏獨光漢冊乃賦詩贈行凡關宴宜皆屬和詩曰遺榮期入道辭老競抽簪豈不惜覽達其如高尚心寰中得秘要方外散幽襟獨有青門餞群英悵別深

應制左丞相李適之

聖代全高尚元風闡道微筵開百寮餞詔許二疏歸仙記題金籙朝章披羽衣悄然承睿藻行路滿光輝

應制右丞相李林甫

挂冠知止足豈獨漢疏賢入道求真侶辭榮訪列僊睿文含日月宸翰動雲烟鶴駕吳鄉遠遙遙南斗邊

應制門下侍郎王鐸

詔許真人歸舊隱。為言海上憶孤峯。宸旒暫別期千載。野服飄然出九重。華表尚迷  
丁令鶴。竹坡猶認葛仙龍。自憐弱羽塵埃重。雲外無由躡去蹤。其餘應制詩。此不備錄。

戴叔倫仲和節唱和詩 唐德宗

右按唐紀。貞元五年。初置中和節。德宗皇帝製詩。朝臣奉和。詔寫本賜戴叔倫於容  
州。天下美之。德宗詩曰。東風變梅柳。萬彙生春光。中和紀月令。方與天地長。耽樂豈  
予尚。懿茲時景良。庶遂亭育恩。同致寰海康。君臣永終始。交泰符陰陽。曲沼水新碧。  
華林桃稍芳。勝賞信多歡。戒之在無荒。

詔寫古劍歌賜諸學士 郭元振

右按唐書。郭元振家狀。元振為通泉縣尉。前後掠買所部千餘人。以遺賓客。百姓告  
之。武后聞之。使籍其家。唯有書數百卷。后令問其資財所在。知皆以濟人。於是奇而  
免之。召見。大快聖旨。并令口占古劍歌進。天后奇之。命繕寫賜諸學士。歌曰。君不見  
昆吾鐵冶飛炎煙。紅光紫氣俱赫然。良工鍛鍊經幾年。鑄得寶劍名龍泉。顏色如霜  
雪。良工咨嗟歎奇絕。琉璃匣裏吐蓮花。錯鏤金環生明月。正逢天下無飛塵。幸得周  
防君子身。精光黯黯青蛇色。文章片片綠龜鱗。非直結交遊俠子。亦嘗親得英雄人。

何言中路遭棄捐。零落湮淪古獄邊。雖復沈埋無所用。猶能夜夜氣衝天。

家藏十一代先祖書勅為寶章集王方慶

右按唐書。王方慶。天后朝鳳閣侍郎知政事。周少司空石泉公。襄之曾孫也。其先自瑯琊南渡。為江左冠族。襄北徙入關。始家咸陽焉。祖彙。隋衛尉丞伯父宏讓。有美名。貞觀中為中書舍人。宏直為漢王元昌友。方慶家多書籍。則天訪求右軍遺跡。方慶奏臣十代祖伯叡之書。先有四十餘紙。太宗購求。先臣並已進之。唯有一卷。見在今。又進臣十一代祖導。十代祖洽。九代祖珣。八代祖曇者。七代祖僧綽。六代祖仲寶。五代祖竊。高祖規。曾祖襄。并九代三從祖伯晉。中書令獻之。已下二十八人書。共十卷。則天御武成殿。示羣臣。仍令中書舍人崔融為寶章集。以敘其事。復賜方慶。當時甚以為榮。

廣卓異記卷四 臣下貴戚之極者

宋 宜黃樂史子正撰

金日磾

右按漢書金日磾本匈奴休屠王太子

休許對反。居音儲。

武帝時遷侍中駙馬都尉光祿大

夫封柁侯

故。丁弟倫。

黃門侍郎日磾二子賞奉車都尉宣帝時為太僕卿光祿勳亦

為侍中建駙馬都尉亦為侍中建孫當亦封侯倫子安上為侍中關內侯安上四子

常光祿大夫敞遷侍中衛尉岑拜使主客明與岑復為諸曹中郎將敞三子涉為侍

中參越騎校尉開都侯饒越騎校尉涉兩子湯融俱為侍中涉從祖父弟欽光祿大

夫侍中都城侯欽弟遷為尚書令遵王莽時恩封九卿七世侍中二駙馬

張安世

右按漢書張湯為三公子安世封富平侯食萬六百戶子千秋延壽彭祖皆封侯富

於大將軍霍光家僅七百人自宣元已來為侍中中常侍諸曹散騎列校尉者十餘

人功臣之盛唯有金氏張氏親近貴寵比於外戚

安世以父子封侯太感辭不受祿。詔都內別藏張氏無名錢。以至於

數百萬計



許廣漢

右按漢書許廣漢封昌成君。女貞君為孝宣皇后。元帝母也。廣漢二弟。舜為博望侯。延壽為樂成侯。又為大司馬車騎將軍。延壽中子嘉為平恩侯。亦為大司馬車騎將軍。嘉女為成帝皇后。一門二皇后。

史良娣

右按漢書史良娣為衛太子。良娣生史皇孫。宣帝祖母也。良娣兄恭。恭三子。高為樂陵侯。至大司馬車騎將軍。曾為將陵侯。元為平陵侯。高子丹封武陵侯。輔成帝。策為右將軍。闕內侯。丹孫二十八人。九男。並為侍中。諸曹親近左右。四人為侯。十餘人至卿大夫。二十石。

霍光

右按漢書霍光為大司馬大將軍。益封一萬七千戶。故所食凡二萬戶。賞賜前後黃金七千斤。自昭帝時。光子禹及兄孫雲。皆中郎將。雲弟山。奉車都尉侍中。領胡越兵。光兩女婿。為東西衛尉。昆弟諸婿外孫。皆奉朝請。為諸曹大夫。騎尉給事中。光秉政前後二十年。光又顧分國邑三千戶。以封兄孫奉車都尉山為列侯。山兄雲為驃騎將軍。

衛青

右按漢書衛青七擊匈奴斬虜五萬再封凡萬一千八百戶封三子為侯侯千三百戶并之二萬五千七百戶其校尉以大將封侯者九人為將者十五人

梁冀

右按後漢書梁冀一門三皇后六貴人二大將軍夫人女侯稱君七人尚公主三人其餘卿將尹校五十七人百僚側目莫敢違命

胡廣

右按後漢書胡廣華容人試章奏安帝以為天下第一旬月拜尚書郎五遷尚書僕射在公台三十餘年歷事六帝一履司空再作司徒三登太尉又為太傅故人陳蕃李咸並為三司着等每朝會聊稱疾避廣時人榮之年八十二卒贈太傅故吏自公卿大夫博士議郎郎中以下數百人皆繚經殞位中興已來人臣之盛未嘗有也

母在堂朝夕瞻省傍無凡杖言不稱老

鄧禹

右按後漢書鄧禹有十三子各守一藝鄧氏自中興之後累代寵貴凡侯者二十九

人公二人。大將軍十三人。中二千石十四人。列校二十二人。州牧郡守四十八人。其餘侍中將作大夫郎謁者不可勝數。東京莫與為比。

竇融

右按後漢書竇融平陵人。一門三公。兩侯。三公主。長子穆尚內黃公主。穆子勳尚東海恭王女泚陽公主。融弟友子固尚光武涅陽公主。四二千石。相與並時。自祖及孫。官府邸第相望京邑。奴婢以千數。於親戚功臣中莫與為比。

楊椿

右按北史楊椿與兄播並典禁闈太保。加侍中。給鼓吹。椿請歸老。詔服侍中服。賜讌於華林園。帝下御坐。執手賜牀帳几杖車駕駟馬。給林送之。椿誡子孫曰。我入魏登侍中尚書。四歷九卿。十為刺史。光祿大夫。儀同開府。司徒太尉。復為司空。高祖以下。乃七郡太守。四十二刺史。內外顯職。時仍少。比椿弟津與兄播前後為華州刺史。當世榮之。津子恪仕齊為大行臺右丞。請解還葬。一門之內。贈太師太傅丞相大將軍者二人。太尉尚書令者三人。僕射尚書者五人。刺史太守者二十餘人。追榮之盛。今古未之有也。

萬石君

右按漢書石奮孝景帝時為九卿長子建次甲次乙次子慶皆馴行孝謹官至二千石景帝曰石君及四子皆二千石人臣尊寵乃集其門凡號奮為萬石君後以上大夫祿歸老於家子孫為小吏來歸謁萬石君必朝服見之不名子孫勝冠者皆有品秩慶後為丞相時諸子孫為小吏至二千石者十三人

李覽

右按周書隋書李覽隴西人曾祖富魏大武贈寧西將軍覽為大將軍覽之子端大將軍端弟吉開府儀同三司吉弟孝軌大將軍孝軌弟詢隴西郡公詢弟崇幽州大總管崇之子敏將作監覽弟遠太保遠弟穆太師贊拜不名穆之子渾大將軍子孫雖在樞樞悉拜儀同一門執象笏者百餘人貴盛無比

廣卓異記卷四終

廣卓異記卷五 臣下

宋 宜黃樂史子正撰

三公父在堂張輔

右按漢書張輔字美侯汝南細陽人也為三公父尚存輔每遷轉父輒自田里來適會歲臘公卿罷朝共詣輔父上酒為壽極歡移日當時甚以為榮

宰相有二親郭元振

王溥

右按李邕撰郭元振行狀云自唐受命丞相有二親唯元振而已鎮涼州十五年大石等十二國王為導驛握兵三十萬武后惕息不移唐祚

右按五代史王溥少年拜相二親在堂溥自序云予年二十六狀元及第榜下除秘書郎其年從周太祖征河中次年獻捷闕下除太常丞加朱紱又一年留守判官除密直學士入翰林又除端明殿學士不日作相自居廊廡凡十一年歷事四朝除太子太保罷相十五年中官榮過分今甲子四十二矣時父祚宿州防禦使母吳國太夫人俱在後父祚自防禦使除左領軍衛上將軍致仕在洛初入覲北闕侍奉肅然百僚下拜兼座主王仁裕為太子太保在朝溥在翰林時有詩云兩制職官三十客

自憐榮耀老萊衣。

宰相與百官列班起居新宰相太夫人趙隱

右按趙氏科名錄。隱懿宗朝登庸。太夫人盧氏在堂。命之明日。三相國并百執事。並赴私第。列班陳慶賀之禮。每朔旦。憲府中集百辟到宅候起居。太夫人及懿皇降誕日。相府與文武兩班於慈恩寺飯僧。教坊三部大合樂於佛殿前。京兆府構綵棚。接東西廊。備相府宅觀閱時。隱侍板輿到寺。及丞相率百官於庭北謝恩。賜酒畢。乃迴班就棚。通太夫人起居。朝野莫不稱美慶。其後崔丞相彥昭。張丞相濬。大用日皆在膝下。其榮養之禮。悉依趙氏舊儀。模按唐書庭作廷迴作回。

三十三年在相位房元齡

右按唐書。梁國公房元齡。唐初策謁於軍門。秦王一見。引為謀主。及終。在相位三十

有三年。模按原本三十三年。查李翔卓異記作三十二年。

二十七年佩相印郭子儀

右按唐書。汾陽王郭子儀。自至德元年。從朔方節度使。加戶部尚書。同中書門下平章事。至建中三年。凡二十七年。其間校中書令考二十有四年。每月俸錢二萬貫。實

封二十戶。歲入俸二十四萬貫。官供二千人。熟食五百馬。芻穀每謁見。肩輿入內殿。子八人。壻七人。皆至重官。子曠尚公主。諸孫數十人。親仁里四之一為其宅。宅中通永巷。家人三十。相出入者不知其名。為大臣賞賜美人六人。從者八人。崇德貴盛。近古無比。模按原本寫作藝。據唐書改。

四入相 姚崇 裴度 崔允

右按唐書。天后時。姚崇授夏官侍郎。拜相。長安四年罷。其年拜夏官尚書。又入。睿宗初。又兵部尚書。入。元宗初。又兵部尚書。入。尋罷。猶命五日一入門。

人按唐列傳。裴度。元和十年。拜門下侍郎。入相。出行營。淮西平。加金紫光祿大夫。復入相。十四年。檢校左僕射。出北都留守。移河北行營。守司徒。東都留守。入朝。守司徒。授揚州都督。未發。復知政事。罷為左僕射。出山南節度。寶曆初。入知政事。尋守司徒。五日一入中書。又守司徒兼侍中。出山南節度。移東都留守。特進。守司徒兼中書令。開成初。北都留守。四年。還京。拜中書令。本傳曰。翊贊四朝。始終一致。為唐中興之臣。江左王導。謝安之流也。

右按唐書。崔允。自乾寧元年至天復三年。四入相。三出鎮。自兵部侍郎。入至開府儀同三司。守司徒。兼門下侍郎。天復三年。讓官表云。方伯之貴。是臣列祖之任也。臣



有何功而三分戎閫輔相之職是臣先父之履也臣有何德而四人中書人之甚榮臣實增懼

三人相孫叔敖 李嶠 馮道

右按春秋繪邱之封人見楚孫叔敖曰吾聞官大者士妬之祿厚者人怨之位尊者君惡之今君相楚國有如此三者不得於楚士民也叔敖曰吾三相楚而心益卑吾祿益厚而施益博吾位益尊而禮益恭是不得罪於士民也

右按唐書李嶠垂拱中自麟臺少監入相三年又拜左丞龍朔初為中書令景龍初拜特進又入尋年老負罪隨子暢元出處州刺史

右按五代史馮道三八相四月十七日死年七十三歲所得之壽所終之月皆與孔子同但先孔子一日

五代六人拜相蕭嵩

右按唐書蕭瑀相高祖曾姪孫嵩相元宗嵩子衡駙馬官至三品衡弟華上元中宰相

相衡子復相德宗其後文宗日蕭復為相華二子恒悟恒子儼大和中宰相使罷

右僕射分司東都太夫人韋氏在悟子儼咸通中宰相模按唐書蕭復傳復子思

堂以孝養為樂與褐衣時無異

六代六人拜相杜淹

右按唐書梁書杜淹姪如晦五代孫元穎元穎姪審權審權子讓能讓能子曉入梁拜相自淹至曉六代拜相

三代拜相張嘉貞

右按唐書張嘉貞子延賞孫宏靖三代秉鈞漢書雖有韋平父子相繼為相莫能比也初嘉貞自平鄉丞免歸御史張修憲薦於則天召見內殿垂簾與語嘉貞奏曰臣以草萊得謁九重是千載一遇也咫尺之間如隔雲霧競不親日月恐君臣之道有所未盡則天遽令卷簾與語大悅擢拜監察御史累遷中書令弟嘉祐為金吾將軍兄弟並居將相之位

父子皆自揚州再入相李吉甫

右按唐朝父子繼世為相者數家唯李吉甫子德裕皆自揚州再入相至若蘇瓌父子相望為優劣而頭不再入則李氏盛也

我使手髮森豎聽政二日出為荆門

言宣宗即位日德裕典冊禮及退上謂宦侍曰適行事近我者非太尉耶此人每顧

父子三人拜相鄭珣瑜 趙隱

右按唐書鄭珣瑜相德宗珣瑜之子。覃相文宗覃之弟。朗相宣宗。

右按唐書趙隱拜相。按五代史隱之子光逢相梁。次子光裔相後唐。

一門四相竇威

右按唐書竇威為太師中書令。堂姪抗為納言。堂曾孫德元為左相。德元子懷貞為侍中。

一門三相韋仁約一

右按唐書韋仁約為納言。子承慶為黃門侍郎平章事。次子嗣立為中書令。

岑文本二

右按唐書岑文本為中書令。姪長倩為內史。孫義為侍中。

楊恭仁三

右按唐書楊恭仁為侍中。弟師道為中書令。姪孫執柔為夏官尚書平章事。

武承嗣四

右按唐書武承嗣為納言。堂弟三思為內史令。攸寧亦為納言。

韋待價五

右按唐書韋待價為右僕射平章事三從弟安石為中書令安石再從姪巨源為侍中。

王播六

右按唐書王播自鹽鐵使拜相弟起自右僕射兼使相姪鐸自鹽鐵使拜相鐸炎之子炎播之弟起之兄文宗待起如師友目之曰當代仲尼。

崔元畧七

右按唐書崔元畧東都留守弟元式北都留守拜相元畧子鉉鉉之子沆兩拜中書舍人入相。

廣卓異記卷五終

宋 宜黃樂史子正撰

二代為相鄭武公一

右按鄭武公父子並相為周司徒善於其職國人美之為賦緇衣以明有美善之功也詩曰緇衣之宜兮敝予又改為兮

韋賢平當二

右按漢書韋賢子元成平當及子晏並為丞相故漢代父子為相稱韋平按韋賢其先孟至賢五世為鄒魯大儒賢為相時年七十在位五歲乞骸骨賜黃金百斤罷歸加賜第一區丞相致仕自賢罷相十年之間子元成繼父為相鄒魯謳曰遺子黃金滿贏不如一經

韓休三

右按唐書韓休拜相子滉拜相孫臯為左右僕射雖不拜相其位已高

令狐楚四

右按唐書令狐楚自翰林學士中書舍人拜相子綸自湖州召入充翰林學士間歲

拜相渭南尉趙嘏詩云。羈在卿雲冰在壺。天代材業奉許謨。榮同伊陟傳朱戶。秀比王商人畫圖。昨夜星辰迴劍履。前年風月滿江湖。不知機務時多暇。猶許詩家屬和無。

崔慎由五

右按唐書。崔慎由工部尚書拜相。子允四人。相四人。既當權。天下人呼由為有來麻汁。

崔祐甫六

右按唐書。崔祐甫拜相。姪植拜相。祐甫東政二百日。除吏八百員。

劉祥道七

右按唐書。劉祥道為右丞相。祥道之子齊賢為納言。

蘇瓌八

右按唐書。蘇瓌為侍中。子頤為中書侍郎平章事。先是神龍中。頤自給事中修文館學士。轉中書舍人。時父瓌中書門下三品。父子已同掌樞密也。

陸元方九

右按唐書陸元方為鸞臺侍郎平章事其子象先為中書侍郎平章事

樂彥璋十

右按唐書樂彥璋為西臺侍郎平章事子思晦為鸞臺侍郎平章事

李道廣十一

右按唐書李道廣殿中監平章事子元紘中書侍郎平章事曾祖榮本姓丙高祖有舊為監門大將軍年八十

十今乘為人宮中檢校

李敬元十二

右按唐書李敬元為中書令弟元素為鳳閣侍郎平章事

來恒十三

右按唐書來恒為黃門侍郎平章事弟濟為中書舍人

張文瓘十四

右按唐書張文瓘為侍中姪錫為鳳閣侍郎平章事

戴胄十五

右按唐書戴胄為吏部侍郎平章事姪至德右僕射平章事胄無子以兄子至德為嗣



宇文節十六

右按唐書宇文節為侍中孫融為黃門侍郎平章事

崔仁師十七

右按唐書崔仁師為中書侍郎平章事孫湜中書令

中宗曾與餌瓜賜一頓與母  
湜構歸與愛妻天下罪之

薛元超十八

右按唐書薛元超為中書令姪稷禮部尚書拜相

裴矩十九

右按隋書及唐書裴矩為侍中從姪孫寂為內史令

楊收二十

右按唐書楊收自翰林學士拜相姪涉禮部侍郎拜相

兄弟六人並登相位卞壹

右按晉書卞壹祖統父粹以清辯正察稱兄弟六人登宰輔世號卞氏六龍元仁無

雙元仁粹字也位至中書令

外孫三人為相盧攜 鄭畋 杜讓能

右按唐書李翱女婿盧求之子攜為相鄭亞之子畋為相杜審權之子讓能為相初翱鎮襄陽日有道人善相因出諸孫熟視之皆曰不繼翱遂遣諸女出拜乃曰尚書

伋日外甥三人皆至宰相後果如之

搗與畋同相黃巢反求廣州范節搗不肯只殺率府率與畋爭擲飯及巢犯闕懼飲藥而死巢

之興有識云黃蛇獨吼天下人走又曰金色蝦蟇爭怒眼翻却曹州天下反中和初諺云黃巢須走凌山東死在翁家翁時巢死之處民家乃姓翁也因而書之

舅甥相代為相李嶠 張錫

右按則天實錄以天官侍郎張錫為鳳閣侍郎拜相以鸞臺侍郎李嶠遷成均祭酒罷政事嶠是錫之甥舅甥相代為相時人美之

與妻父同時為相杜黃裳 韋執誼

右按唐書杜黃裳相順宗女婿韋執誼自吏部郎中拜右丞相同平章事近古衣冠無比然執誼自即官拜相少矣

座主與門生同在相位王鐸 韋保衡 蕭道

右按唐書咸通五年王鐸主文放韋保衡及第十一年是保衡自內庭命相其年冬鐸由鹽鐵使登庸同居中書後鐸如左僕射保衡加右僕射鐸拜司徒保衡拜司空品位齊尊少有其比

右按唐書。咸通五年。王鐸放蕭邁及第。至僖宗朝。同居相位。鐸年高。昇御階。足跌。踣  
白陳中。邁旁提起。帝因之喜。曰。輔弼之臣。和予之幸也。謂邁曰。適見卿扶王鐸。予喜  
卿善事長矣。邁曰。臣扶王鐸。不獨同長。臣中選門生也。上笑曰。王鐸選進士。朕選宰  
相於卿。無負矣。

與同列子弟為丞相。宋璟 蘇頌

右按唐書。宋璟先與蘇瓌同為相。及蘇頌除紫微侍郎。同平章事。宋璟歎曰。吾與蘇  
家父子。同時為相。至如敦厚博物。僕射有之。若忠正賢明。則頌過其父。且繼世為相。  
則有矣。如頌與其父友同秉鈞衡者。自古未聞。初與其父比肩。又與其子同列。如璟  
年耆德重。久處台司。又無其比。

齊年同日為相。武元衡 李吉甫

右按唐書。武元衡與李吉甫齊年同日為相。吉甫先一年。以元衡生日卒。元衡後一  
年。以吉甫生日卒。吉甫之數。若符會焉。

集禮院。由太常博士入相者

右按唐年補錄。大中四年十一月。令狐綯守兵部侍郎。拜相。宰相執同列。白敏中崔龜

從崔鉉以緬新加兵部南省上事。以故事送上必先集少府監。是日諸相以敏龜從。曾為太常博士。遂改為集禮院。因命常侍柳公權記之。龜從為其文。畧曰。夫博士重官也。由此選者。繼登三事。而又並時同位者相望。元和初。權德輿、李吉甫同在相位。長慶中。竇易直、杜元穎提印使蜀。命敏中始與鄭肅及韋琮同居中書。予復叨重委。因志所同。以遺佗日。亦以知博士之選為重焉。時令狐綯父楚亦以博士相。時人榮之。

座主見門生拜相 王仁裕 王溥

右按五代史。乾祐元年。戶部侍郎王仁裕放王溥狀元及第。溥不數年拜相。仁裕時為太子少保。有詩賀曰。一戰文場拔趙旗。便攜金鼎贊無為。白麻驟降恩何極。黃髮初聞喜可知。跋勅紫前人到少。築沙堤上馬行遲。押班長得遙相見。親狎爭如未貴時。溥依韻和曰。揮毫文陣偶擎旗。待詔金華亦強為。白社幸當宗伯選。赤心旋遇聖人知。九霄得路榮雖極。三接承恩出每遲。職在台司多少暇。親師不及舞雩時。時人榮之。

臣史嘗見化光二年。禮部侍郎趙光遠。衣柳璩及第。璩不多時便拜相。上事月。座主尚居散職。謁見之時。令朱衣吏連姓朗而贊之。全不優容。時議短之。然璩呼賤恩幸義有如此者。

廣卓異記卷六終

廣卓異記卷七 臣下

宋 宜黃樂史子正撰

為相數日天下望風而變

楊綰

右按唐書代宗朝楊綰入相綰質性貞廉車服樸素未數日人心自化御史中丞崔寬城南別墅臺榭為當時第一寬即日潛遣毀拆郭汾陽在邠州聞綰拜相減音樂五分之四京兆尹黎幹出入駟馭百餘即日減損唯留其十騎其餘望風變奢從儉者不可勝數其鎮俗如此旬日中風詔入中書養護中使存問一日數人卒贈司徒詔文武百官就私第弔之帝曰天不使朕致太平何奪我楊綰之速也自古賢相無以及之

與子弟同年同在相位

徐商

于琮

右按唐書大中十二年徐商為襄州節度使長子彥若與琮同年及第至咸通六年商自御史大夫拜相七年琮自兵部侍郎拜相同年文人之禮

與使主同時為相

杜佑

權德輿

牛僧孺

李珣

右按唐書權德輿撰杜佑神道碑云早忝賓府晚聯台座又宰相牛僧孺自中書侍

郎出鎮武昌。辟李珣為書記。始授殿中侍御史。纔十年為戶部侍郎。同平章事。牛僧孺自右僕射再入相。當代以為盛美。

裴度二 李宗閔

右按唐書。元和中。裴度征淮西。李宗閔以禮部員外郎為書記。其後同居相位。

白敏中三 蔣伸

右按唐書。太中年中。白敏中討党項。蔣伸以左庶子為行軍司馬。其後同居相位。

杜棕四 畢誠 楊收

右按唐書。杜棕兩鎮淮海。畢誠楊收前後為從事。其後皆同在相位。

故吏並為三司。陳蕃 李咸

右按漢書。胡廣為三公。故吏陳蕃李咸並為三司。每朝會。蕃等常稱疾避廣。時人榮之。

賓幕六人拜相。杜鴻漸 張鎰 喬琳 陳遊 杜黃裳 高郢

右按唐書。杜鴻漸等六人皆曾為汾陽郭子儀之賓佐。其後俱拜相。

使主未離鎮見判官拜相。李石 崔鉉 楊收

右按唐書開成中李石鎮荆南崔鉉為從事入拜司勳員外郎翰林學士不三二歲拜中書侍郎平章事石尚仍舊在鎮賀鉉狀云賓廷初啟曾陪樽俎之歡將幕未移

已在陶鈞之下

此李鶴之辭時為節度巡官

右按唐書大中末崔鉉自左僕射平章事鎮淮海楊收以太常博士從鉉為支使收入拜侍御史遷吏部員外歷翰林學士二歲拜兵部侍郎平章事鉉未移鉉賀收狀云前時里巷初迎避馬之威今日藩垣便仰問牛之化此崔澹之辭

禮部同年三人同時在相位 令狐楚 皇甫鎛 蕭俛

右按唐書貞元七年禮部侍郎杜黃裳下三十人及第其後令狐楚皇甫鎛二人先在相位乃同表薦蕭俛拜相

禮部同年四相 鄭昌圖 趙崇 裴贄 鄭延昌

右按唐書咸通十三年禮部侍郎崔殷夢下二十人及第其後鄭昌圖等四人相次拜相

制科同年四相 牛僧孺 李宗閔 王起 賈餗

右按唐書元和三年宣政殿試賢良方正能直言極諫科一十人登科其後牛僧孺



等四人相次拜相。先是白居易在翰林為考覆官。其後牛僧孺罷相。出鎮揚州。居易在洛中。有詩送曰。北闕止東京。風光十六程。坐移丞相閣。春入廣陵城。紅旆擁雙節。白鬢無一莖。萬人開路看。百吏立班迎。聞外君彌重。罇前我亦榮。何須身自得。將相是門生。

制科同年五相

裴垍

王播

裴度

崔羣

皇甫鎛

右按唐書。貞元十年。應賢良方正能直言極諫科。十四人登科。其後裴垍等五人相次拜相。

揚州四人皆至宰相

高智周

來濟

郝處俊

孫處約

右按唐高宗。歷高智周。少與來濟。郝處俊。孫處約同游。寓於揚州。都人石仲覽傾產以待之。嘗引相者視濟等。相者曰。四人皆宰相也。而石不及見焉。然來早貴。而未免屯蹢。高晚達。最為壽考。夫速登者易顛。徐進者少患。天之道也。仲覽貞觀末為兵部郎中。卒。濟等乃貴。卒。如相者所言。侍中許圜師。即處俊之舅。安州有田彭二家。豪富。江淮語曰。貴如許。郝富似田彭。

會客中三人皆丞相

卓賢

魏相

邴吉

右按漢書。卓賢。魯人也。為丞相。卒。魏相。代相。濟陰人也。為丞相。卒。邴吉。代吉。魯國人。

也。初長安中有善工相田文者。與韋丞相魏丞相邴丞相微時會於客家。田文曰。今世三君皆丞相也。其後三人競更代為相。是何見之明也。

白衣人告拜相姚顛

右按唐書姚顛光化中入洛。有白衣丈夫。乃鬼也。呼顛為中夏之相輔也。及直拜前一日。白衣人來云。公明日拜相。前定如此。

夢中神人授二管筆馬允孫

右按五代史馬公天成中。自河中從事赴闕。宿於選店。其地有邏神祠。夜夢神見。召手授二筆。一大一小。覺而異焉。及路王即位。以公為翰林學士。旋知貢舉。私自謂曰。此二筆之應也。及拜相上事。中書吏奉二筆。熟視大小。如昔夢中所授者。公始悟冥數有定分也。

庭槐生三枝過堂屋脊李石

右按北夢瑣言云。李氏河中。永樂有宅。庭槐一本。抽三枝。直過堂脊。一枝不及。李氏同堂昆弟三人。曰石。曰程。皆登相位。唯福一人。歷七鎮使相而已。

三起三留蔣伸

右按柳玘十四事云。宣宗朝。蔣伸判戶部事。持承恩渥。每對多及時政。一日延英奏曰。近日爵賞稱異。人思僥倖者。上驚曰。如此即亂去也。伸曰。亂即未亂。但思僥倖者多。亂亦不難。上稱歎再三。語畢。三起三留。上曰。後度即不獨對卿也。伸不論。上此後延英遂入相。中外咸知。上命相獨出宸襟。

見白衣人吟詩馬植

右按小說馬植安南都護。與時宰不通。又除黔南。殊不得意。維舟峽中古寺。寺前有長堤。夜月甚明。見人白衣。緩步堤上。吟詩曰。截竹為筒。作笛吹。鳳凰池上鳳凰飛。勞君更向黔南去。即是陶鈞萬類時。歷歷可聽。遣人邀問。即已失之。後自黔南入為大理卿。遷刑部侍郎。判鹽鐵。拜相。李敏求嘗夢植為冥司判官。主人歲支錢穀事。

神呼相公元載

右按小說元載布衣時。與張渭徒行陳蔡間。會暮風雷。避於神廟中。時有羣盜匿廟下。二人懼。負壁而立。俄聞廟宇有呼者曰。元相國張侍郎且止。辟盜疾去。無害。貴人

其後元相代宗。渭終禮部侍郎。又朱朴微時。嘗山行。夜聞唱相公來。近十聲。聲震林谷。視之。無所見。唐昭宗時。自詩博。大拜。中外愕然。素

無大畧。尋黜嶺外。其制曰。橫身濟惡。公卿之議論。沸騰。則目忌賢。中外之人。情恟懼。雖無才畧。亦非偶然也。

蝦蟆大如牀李揆

右按別說李揆乾元中為禮部侍郎嘗一夕有蝦蟆大如牀高數尺見於寢室中解者曰夫蝦蟆月中之蟲亦天使也今使來公堂豈非上以密命付公明日視之已亡揆果拜相

廣卓異記卷七終

廣卓異記卷八 臣下顯達之速者

宋 宜黃樂史子正撰

年三十為僕射封嵩 韓綽

右按南燕書慕容德以右僕射封嵩為左僕射尚書韓綽為右僕射時嵩綽俱年三十又以嵩弟融為西中郎將綽弟軌為東中郎將同拜四人同入嵩等陞殿方謝帝顧曰躍二龍於長衢騁騏驎於千里朝野榮之

不數日貴盛 劉幽求

右按唐書劉幽求隨元宗平內難是夜詔書皆出幽求自為其制云前朝邑縣尉劉幽求忠貞冠古義勇橫秋首建雄謀果成大業可書舍人參知機務賜爵實封祖父俱贈刺史授二子五品官翊日又定策請睿宗即位以功授銀青光祿大夫行尚書左丞相依舊參知政事進封徐國公加實封通前千五百戶賜物千段奴婢三十人宅一區地千頃加金銀雜器五車不數日內

數月超為大司空 朱博

右按漢書朱博字子元以京兆尹數月超為大司空

九十五日位至司空

荀爽

右按後漢書荀爽數徵聘不就及獻帝時董卓秉政復徵之欲適命吏急之不得去因復拜平原相行至宛陵進為光祿大夫視事三日進拜司空爽出自巖穴九十五日而登台司時號白衣登三公

起家二年為丞相

張鎰

右按唐書獨孤及撰張鎰神道碑云一命左拾遺再命右補闕三命殿中侍御史四命諫議大夫中書侍郎平章事起家徒步二年館相印

自補闕至侍郎不周歲為相

杜元穎

右按唐書杜元穎如晦之元孫也歷翰林學士中書舍人戶部侍郎拜相自補闕至侍郎不周歲居輔相之地詞臣速達未之有也弟絳太子賓客絳子審權拜相

二年間拜相階至特進

韋保衡

右按唐書韋保衡自翰林學士中書舍人遷兵部侍郎拜相自起居郎至拜相二年之間階至特進保衡尚懿宗同安公主

五年至尚書

張敏

右按漢書張敏字伯達鄭人也建初二年舉孝廉四遷五年為尚書

不出長安城十年至丞相匡衡

右按漢書匡衡東海人十年之間不出長安城門為御史大夫未滿歲便拜相

不出都門便登相位鄭眾

右按唐書鄭覃歷官三十餘任未嘗出都門便登相位以至於終

不及七年為節相樊澤

右按唐書樊澤應制舉禮部侍郎于邵一見歎曰將相之才也不及五年澤果為節相邵有知人之鑒也

四遷至九卿司馬安善

右按漢書汲黯妙之子司馬安善四遷至九卿

七箇月自員外郎為侍郎盧從愿

右按唐書盧從愿自吏部員外郎至吏部侍郎七箇月

三月周歷三臺遷侍中蔡邕

右按後漢書蔡邕字伯喈以侍書御史遷尚書三月之間歷三臺遷侍中



一日三命元稹

右按唐書元稹自尚書祠部郎中知制誥除中書舍人翰林學士賜紫金魚袋白居易為制詞曰一日之中三加新命稹表謝云口勅校官面賜章服拔令丞旨不顧班資近日寵榮無臣此例初稹知制誥因中官魏簡進同院武儒衡會食有青蠅集爪忽擊之曰適從何來遽集於此一座愕然

一日二恩賀知章

右按唐書賀公自太常少卿遷禮部侍郎兼集賢學士一日併謝二恩源乾曜與張說同秉政乾曜曰賀公久著盛名今日一時兩恩足為學者光輝然學士與侍郎何者為美說對曰侍郎自皇朝已來為衣冠之華選自非實望其美無以居之然終具員之吏又非往賢所慕學士者懷先王之道為搢紳執儀蘊揚班之詞彩兼游夏之文學始可處之無愧二美之中此為其最美

四時改服飾傅游藝

右按唐書傅游藝天授中自合官主簿遷監察超拜給事中同鳳閣鸞臺平章事一年之內位至宰相時人謂之四時仕宦言春著青夏著綠秋著緋冬著紫

文宗謂宰相曰天

用人。白布衣使與宰相。還得刀否。楊嗣復曰。天后與今日事異。深峻刑辟。輕用官爵。及自固之計。古人云。三綱失序。拔士為相。四夷皆侵。拔兵為將。此蓋不得已之事。非  
理平之事也。模按宮  
官均訛官。據唐書改。

一歲五遷 王猛

右按晉陽春秋。秦王苻堅以王猛為輔國將軍。司隸校尉。居中宿衛。僕射。詹事。中書令。領選如故。猛固讓不許。曰。機務俟才。實咨明哲。朝野所屬。猛一載五遷。權傾朝野。

模按原本苻記  
符據晉書改

一歲三遷 崔希逸

右按唐書。崔希逸十二喪母。以孝聞。十五廬終南山。徧覽經籍。開元十八年。春。遷吏部郎中。夏。轉河南縣令。冬。試司農少卿。一歲三遷。時人榮之。歷官左常侍。河南尹。

白衣入翰林 李白

右按唐書。李白天寶中。召見金鑾殿。元宗降輦步迎。如見園綺。草和蕃書。筆不停綴。帝嘉之。七寶方丈。賜食於前。御手調羹。遂入翰林。專掌密命。  
模按原本鑿說  
據唐書改

六十日內授三品官 張寶藏

右按唐書。張寶藏為金吾長上。直歸櫟陽。逢少年獵。割鮮。乃歎曰。寶藏年七十。未

嘗得一食鮮肉。傍有一僧曰：君六十日內，官登三品。時太宗患氣痢，醫不效，詔求醫。寶藏曾因此疾，進乳煎畢撥方，上服愈。宣與五品官，魏微難之。上疾復作，服前藥又平。因思與五品官不見授何也。微懼曰：未知文武二吏。上怒曰：治得宰相不妨，已授三品官。我天子豈不及汝耶。乃厲聲曰：與三品官，立授鴻臚卿。時正六十日，雖雜類，然授官速也。

自處士為丞相 范賢

右按蜀記：李雄既為成都，西山范賢字長生，巖居穴處，初徵不至。後賢自青城山乘素輿詣成都，雄大喜，迎于門，與同坐，即拜為丞相。長生勸即帝位。

四遷至丞相 公孫宏

右按漢書：公孫宏對策第一，拜博士。二年左內史，元朔二年為御史大夫，五年為丞相，封平津侯。故齊賢告人曰：公孫內服貂蟬，外以麻象，內府五鼎，外膳雖有，豈可開東閣一欽賢館待大賢二翹材館待大材三接士館待國士以示天下哉。朝廷自此疑矯焉。宏聞之，歎曰：寧逢惡賓，不逢故人。宏既

廣卓異記卷九 臣下

宋 宣黃樂史子正撰

三葉為國元老趙喜

右按東觀奏記曰。行太尉事趙喜。三葉在位為國元老。其以喜為太傅時年八十而心力克壯。繼母在堂。朝夕瞻省。傍無几杖。言不稱老。

出入六十年富貴 杜棕

右按唐書。邠公杜棕。太師佑之孫。太尉式方之子。起家昇朝。再為少監。一為詹事。四為太卿。一守郡。一大尹。十擁旌節。兩登相位。三掌邦計。再領鹽鐵。一判版圖。一留守。歷尚書僕射。司空。司徒。太傅。封邠公。食邑三千戶。尚岐陽公主。贈太師。凡三十七任。出入朝垂六十年。唐朝大僚。或貶或誅。若乃門風貴盛。終始如此者。少焉。

一座最貴 蕭瑀

右按唐書。蕭瑀嘗侍內宴。太宗謂侍臣曰。自知一座最貴者。先把酒時。長孫無忌房元齡等相顧未言。瑀引手取杯。帝問曰。卿有何說。瑀曰。臣是梁朝天子兒。隋朝皇后弟。唐朝尚書左僕射。天子親家翁。太宗撫掌極歡而罷。

弟男七人同日拜官郭子儀

右按唐書郭汾陽弟男七人。同日有制拜官。弟幼冲左庶子。曜太子少保兼判詹事。晞檢校工部尚書判秘書省事。晤兵部郎中。暖左散騎常侍。曙司農少卿。映太常丞。汾陽有表謝曰。同日而拜。前古未聞。青紫焯庭。冠蓋成里。

弟男姪十一人同制授官劉總

右按白居易為制詞。其略云。劉約等惟爾先父太師濟為國元臣。惟爾兄總襲續名業云云。而爾約等皆可任用。故昇郡符而加命服者五。昇朝序而佐環衛者六。朱轡紫綬。煥赫相望。勳德之家。於斯為盛。

官誥一百二十七軸同日入門沈易直

右按唐建中實錄。德宗贈外戚官。外祖沈易直贈太傅。高祖太保。元舅太尉。其餘贈三公。保傅。僕射。尚書者又十四人。上使中官以廐馬。馱官牒。送沈氏。凡贈官拜職。階封爵邑。男女官誥一百二十七軸。皆飾以錦翠。人以為榮。

羣從甥姪百餘人為官韋倫

右按唐書。韋倫為太子少保。致仕。每朔望入朝。羣從甥姪候於下馬橋。不下百人。

七子二孫封侯夏侯惇

右按魏書夏侯惇為大將軍諡忠侯子充嗣魏帝思惇功欲使子孫畢侯分惇邑千戶賜七子二孫爵皆關內侯惇弟康及子懋素封列侯而太祖以女妻懋素即清河公主也懋素歷位侍中尚書

子孫五人封侯曹參

右按漢書曹參野戰功多高祖賜食邑平陽萬六百三十戶號平陽侯代蕭何為相子孫五人封侯子時尚平陽公主子襄尚衛長公主

父子兄弟十餘人食邑蕭何

右按漢書高祖以蕭何功居第一封鄼侯賜劍履上殿入朝不趨封何父子兄弟十餘人皆有食邑

為帝王師封萬戶張良

右按漢書高帝曰運籌策帷幄中決勝千里外子房功也自擇齊三萬戶良曰願封留侯足矣不敢當三萬戶乃封良為留侯良曰今以三寸舌為帝王師封萬戶位列侯此布衣之極於良足矣良祖代五世相韓

三代帝王禮重李泌

右按唐書李泌天寶中獻書元宗召見命待詔翰林仍東宮供奉肅宗甚禮遇楊國忠忌其才奏泌為詩諷上詔於蘄春安置肅宗北巡會泌在嵩嶺間召入延致卧內動皆顧問泌稱山人固辭祿秩以散官拜銀青光祿大夫仍判元帥廣平王行軍司馬事肅宗嘗謂之曰卿侍上皇中為朕師友今下判廣平行軍朕父子三人資卿道義其見重如此尋為崔圓李輔國害其能泌乞遊衡山以三品祿俸遂隱衡山代宗登位召入為翰林學士以至拜相

五世盛德杜畿 王昶

右按青囊書杜畿為魏僕射畿子恕為幽州刺史恕子預晉鎮南將軍預子錫晉散騎常侍錫子文晉光祿大夫

右按青囊書王昶魏司空昶子湛晉汝南太守湛子承晉東海內史承子述晉驃騎將軍述子垣之晉安東將軍

十三代子孫二十三人榮貴于梁碑

右按北史于栗磾代人魏大武時冠軍將好持黑梢弓號黑梢將軍子洛拔侍中尚

書令洛拔六子長曰烈領軍將軍侍中尚書令節概不謝烈子祚襲爵祚弟忠領軍

將軍侍中尚書令忠弟景武衛將軍景弟果胡華并恒四州刺史果弟勳女為宣武

后封太原公勳子暉侍中尚書僕射勳弟天恩遼西太守天恩之子仁生平原太守

仁生子提隴西郡太守提子謹太傅燕國公謹子實開府儀同三司實子穎澤州刺

史穎弟仲文右翊衛大將軍實弟翼太尉翼子璽開府儀同三司翼弟義潼州總管

義子宣敏奉車都尉宣敏子志寧唐宰相義弟禮上將軍趙州刺史禮弟智封齊國

公為大司空



廣卓異記卷九終

廣卓異記卷十 臣下

宋 宜黃樂史子正撰

一門二十三人封王 武承嗣

右按唐書天后朝武氏一門封王者二十三人承嗣魏王三思梁王攸暨定王攸寧  
建昌王攸宜建安王攸緒安平王攸歸九江王攸止恒安王攸望會稽王懿宗河內  
王嗣宗臨川王尚賓河間王重規高平王載德潁川王求己渤海王敬道天水王延  
基南陽王延考淮陽王崇訓高陽王崇敏清河王崇基宣城王延暉陳留王延祚咸  
安王懿宗安撫河北犯法者生取騰虐毒如此

一代五人封王 李方叔 胡長仁

右按後魏書李方叔女為文成皇后有子五人誕封陳留王峻封頓邱王嶷封彭城  
王雅封滎陽王白封梁郡王世號為五王李家

右按北齊書胡長仁兄弟以后族並封王長仁隴東王弟長懷建昌王長威濟陰王  
長洪武德王長陸汝陰王

五世封王 穆宗

右按後魏書。穆宗子觀。觀子壽。壽子平國。平國子熊。五世襲封宜都王。故號穆氏五王。

四世封王 長孫道生

右按後魏書。長孫道生。道生子旃。旃子觀。三世封上黨王。觀子雅。西魏馮翊王。故號長孫四王。

三世封王 陸侯

右按後魏書。大將軍河南陸侯。封東平王。子麗。封平原王。麗子定國。封東郡王。

五世侍中 陸英

右按吳書。陸英。英子玩。玩子始。始子萬載。萬載子真。並世為侍中。

一門二中書令五侍中 謝密

右按宋書。謝密。黃門侍郎。子莊。中書令。莊之子颺。縉中太守。颺之弟肱。中書監。肱之弟顥。豫章太守。顥之弟崧。崧之子淪。太傅。淪之子覽。中書令。覽之弟舉。侍中。舉之子覈。侍中。覈之子儼。侍中。儼之子仲。侍中。儼之子僑。侍中。

三代為侍中 馮勳

右按漢書馮魴父子兄弟並帶青紫三代為侍中。

兄弟四人迭為侍中柳忱

右按南史柳氏兄弟十五人第二悛第三憚第四愷第五忱三兩年間四人迭為侍中。復居方伯當世罕也。

兄弟俱曾為侍中楊恭仁

右按唐書楊恭仁並弟師遠俱曾為侍中。

父子同時為尚書令中書令紀隲

右按吳錄紀隲字子上景皇時隲父亮為尚書令隲為中書令每朝會詔以雲母屏風隔坐。

父子俱曾為中書令王珉

右按晉陽春秋王珉為中書令珉父洽嘗為此官珉復繼之時人以為奕世令望。先王獻之為中書令卒以珉為此官世謂之大王令小王令。

父子俱上公司馬字

右按晉書安平獻王司馬孚為太宰其長子義陽成王望為太尉父子居上公自中代

未之有也。

望曾為司徒代何曾享年九十。

兄弟俱為中書令。宗秦客。

右按唐書。宗秦客並弟楚客俱為中書令。

三拜中書令。

張說

右按唐書。燕國公張說。三拜中書令。

代思第為尚書令。

樂廣

王戎

右按晉書。樂廣為尚書左僕射。代王戎為尚書令。始戎薦廣而終踐其位。時人美之。